

欽定四庫全書薈要

史部
編年類

吉林出版集團有限責任公司
海 天 出 版 社

目次

書名	卷次	頁次	作者
御批歷代通鑒輯覽	卷四五—卷六二		清・乾隆三十二年御纂
卷四五		一七五—一	
卷凡十六年 起癸酉梁元帝承聖二年魏廢帝欽二年齊文宣帝天保四年訖戊子陳主伯宗光大二年齊天統四年			
卷四六		一七五—三五	
卷凡二十年 起己丑陳宣帝太建元年訖戊申隋文帝開皇八年			
卷四七		一七五—七〇	
卷凡十八年 起己酉隋文帝開皇九年訖丙寅隋煬帝大業二年			
卷四八		一七五—一〇〇	
卷凡十一年 起丁卯隋煬帝大業三年訖丁丑隋煬帝大業十三年			
卷四九		一七五—一三三	
卷凡六年 起戊寅隋煬帝大業十四年訖癸未唐高祖武德六年			

書名	卷次	頁次	作者
卷五〇 卷凡十三年 起甲申唐高祖武德七年訖丙申 唐太宗貞觀十年 卷五一 卷凡十九年 起丁酉唐太宗貞觀十一年訖乙 卯唐高宗永徽六年 卷五二 卷凡三十四年 起丙辰唐高宗顯慶元年訖己 丑唐中宗嗣聖六年 卷五三 卷凡二十一年 起庚寅唐中宗嗣聖七年訖庚 戌唐睿宗景雲元年 卷五四 卷凡二十七年 起辛亥唐睿宗景雲二年訖丁 丑唐玄宗開元二十五年 卷五五 卷凡十九年 起戊寅唐玄宗開元二十六年訖 丙申唐玄宗天寶十五載是歲即肅宗至德元載 卷五六		一七五—一六〇 一七五—一九三 一七五—二二五 一七五—二五七 一七五—二九四 一七五—三三三 一七五—三七四	

書名	卷次	頁次	作者
卷凡十二年 起丁酉唐肅宗至德二載訖戊申 唐代宗大歷三年		一七五—四一三	
卷五七			
卷凡十五年 起己酉唐代宗大歷四年訖癸亥 唐德宗建中四年			
卷五八			
卷凡十年 起甲子唐德宗興元元年訖癸酉唐 德宗貞元九年		一七五—四五〇	
卷五九			
卷凡十九年 起甲戌唐德宗貞元十年訖壬辰 唐憲宗元和七年		一七五—四八六	
卷六〇			
卷凡十四年 起癸巳唐憲宗元和八年訖丙午 唐敬宗寶歷二年		一七五—五二四	
卷六一			
卷凡二十年 起丁未唐文宗太和元年訖丙寅 唐武宗會昌六年		一七五—五六四	
卷六二			
卷凡三十二年 起丁卯唐宣宗大中元年訖戊 戌唐僖宗乾符五年		一七五—五九八	

欽定四庫全書薈要

史部
御批歷代通鑑輯覽卷四十五

詳校官助教臣謝登雋

欽定四庫全書薈要卷七千四百九十八
御批歷代通鑑輯覽卷四十五

南北朝



魏主欽
春正月魏宇文泰自加都督中
州諸軍事

三月梁武陵王紀伐江陵魏遣大將軍尉遲迴尉遲魏之別部
後以為氏迴字
薄居羅代人伐成都以救之

武陵王紀帥諸軍東下留蕭瑒守成都梁主甚懼與

魏書曰子糾親也請君討之左傳宇文泰曰取蜀制

梁在茲一舉諸將咸難之大將軍尉遲迴泰之甥也
獨以為可克泰問以方畧迴曰蜀與中國隔絕百有餘

年恃其險遠不虞我至若以鉄騎兼行襲之無不克
矣泰乃遣迴自散關注見前伐蜀至涪水潼州刺史楊

乾運以州降迴分兵守之進襲成都蕭瑒嬰城自守
迴圍之紀聞有魏兵遣梁州刺史譙淹還救蜀迴擊

破之初紀世子圓照鎮巴東啓紀云侯景未平荆鎮

解米有推舉錄
宋之心其畫像
釘體及密數梁
猛又何為哉內
實猜忌外託文
信以自解其就
信之

已為所破宜急進討紀信之趣兵東下及至巴東知
景已平乃悔召圓照責之對曰侯景雖平江陵未服
紀亦以既尊稱號不可復為人下欲遂東進將卒日
夜思歸皆以為宜救根本更思後圖圓照及劉孝勝
固言不可絕從之遂至西陵護軍陸法和拒之于峽
口先是法和既擒任約還謂梁主曰侯景平矣蜀賊
將至請守險以待之乃引兵屯峽口及是紀至軍
勢甚盛法和築二城守峽口兩岸運石填江鎖斷
之梁主拔侯景故將任約謝答仁于微配兵使助法
和

欽定四庫全書

御批歷代通鑑輯覽
卷四十五

夏六月梁復以王琳為湘州刺史陵納降

先是王僧辯及蕭循進攻陸納拔其二城納衆大敗
走保長沙僧辯進圍之至是梁主遣使送王琳令說
諭納僧辯使送示之納衆悉拜且泣使謂僧辯曰朝
廷若赦王郎乞聽入城梁主從之納遂降梁主復琳
官爵使將長沙兵西援峽口

秋七月梁武陵王紀衆潰梁主殺之及其諸子

武陵王紀遣將軍侯叔與陸法和相拒梁主遣使與

紀書許其還蜀專制一方紀不從梁主復與紀書曰
吾年為一日之長
屬有平亂之功庸此樂推事當歸璧倘違使乎良所
希也如曰不然于此投筆兄犯弟度無復相見之期
讓東推梨永罷慍愉之
日心乎愛矣書不盡言紀頓兵日久頻戰不利又聞
魏寇深入成都孤危憂懣不知所為乃遣樂奉業詣

江陵求和奉業啓梁主曰蜀軍乏糧士卒多死危亡
可待梁主遂不許其和巴東民斬峽口城主降于王
琳謝答仁任約進攻侯叔破之于是兩岸十四城俱
降紀不獲退順流東下將軍樊猛字智武南陽湖陽人追擊之

欽定四庫全書

御批歷代通鑑輯覽
卷四十五

紀衆大潰赴水死者八千餘人猛圍而守之梁主密
勅猛曰生還不成功也猛遂斬紀及其幼子圓滿陸
法和敗圓照兄弟三人送江陵梁主絕紀屬籍曰黎
下圓照等于獄絕其食至齧臂啖之十二日而死遠
近聞而悲之

八月成都降魏魏以尉遲迴為益州刺史

魏尉遲迴圍成都五旬蕭撫屢戰皆敗乃請降諸將
欲不許迴曰降之則將士全遠人悅攻之則將士傷

湘東雖運籌建康亦未能保其不敗第就彼時形勢而論建康尚有險要可憑江陵則偏隅受敵強弱判然乃宗懷等皆安土重遷雖復優柔寡斷既下而疑仍不決下策卒如魏人所料生待滅亡庸劣無斷之人自取禍敗率如此

遠人懼遂受之吏民皆復其業唯收奴婢及儲積以

賞將士軍無私魏以迴為益州刺史已而魏命迴自劾以南海太守

制封拜然修迴明賞罰布威恩緩輯安民經畧未附華夷懷之

九月梁遣王僧辯還建康陳霸先還京口

梁主下詔將還建康將軍宗懷字元懷黃羅漢皆楚

人不願移胡僧祐亦以為不可梁主令朝臣議之會

者五百人梁主曰勸吾去者左袒左袒者過半朱買

臣言于梁主曰建康舊都山陵所在荆鎮邊疆非王

欽定四庫全書御批歷代通鑑輯覽卷四十五

者之宅願陛下勿疑以致後悔臣家在荊州豈不願

陛下居此但恐是臣富貴非陛下富貴耳梁主使術士杜景豪

卜之不吉對曰未吉退而梁主以建康凋殘江陵全

言曰此兆為鬼賊所留耳梁主以建康凋殘江陵全

盛意亦安之卒從僧祐等議乃詔王僧辯還鎮建康

陳霸先復還京口

梁以陸法和為郢州刺史

法和為政不用刑獄專以沙門法及西域幻術教化部曲數千人已而法和上表自稱司徒梁主怪之僕射王褒曰法和既有道術客或先知梁

主乃就拜之王褒字子深儉之曾孫

齊納蕭退鄒陽王子于梁不克

齊主使郭元建治水軍于合肥將襲建康納梁湘潭

侯退梁主使南豫州刺史侯鎮與戰于東關注見前敗

之齊師退是東齊宿豫民東方白頤以城降梁梁江西州郡皆起兵應之

冬十一月突厥攻柔然齊主擊之遷柔然于馬邑川注見前

突厥請降

先是突厥伊利可汗死弟木杆俟斤立木杆剛勇多智數善用兵

欽定四庫全書御批歷代通鑑輯覽卷四十五

鄰國至是木杆攻柔然柔然舉國奔齊齊主擊突厥

迎納柔然廢其可汗庫提立阿那瓌子菴羅辰為可

汗置之馬邑川給其廩餼繒帛親追突厥突厥請降

許之而還自是貢獻相繼

甲梁承聖三年魏恭帝春正月齊主擊山胡敗之

齊主討山胡大破之男子十三以上皆斬女子及幼

弱皆賞軍遂平石樓山名在山西汾州府石樓縣東南水經注蒲川水出石樓山即

此石樓絕險自魏世所不能至于是遠近山胡莫不

懾服有都督戰傷其什長不能救齊主命刺其五藏

魏作九命九秩之典

宇文泰始作九命之典以叙内外官爵改流外品為

九秩內命三公九命三孤八命六卿七命上大夫六

命下士一命外命諸公九命諸侯八命諸伯七命諸

子六命諸男五命公之孤卿四命侯之孤卿公之大

夫三命子男之孤卿侯伯之大夫公之上士再命公

之中士伯子上士一命公之下士侯伯之上中士下

士子男之士不命其祿下士一百二十五石中士以

上至于上大夫各倍之上大夫是為四十石卿二分

孤三分公四分各益其一公為一萬石其九秩一百

二十石八秩至于七秩每二秩六分而下各去其一

欽定四庫全書 御批歷代通鑑輯覽 卷四十五

二秩俱為四十石凡領祿視年之上下上年領全

中年領半下年領一無年不領俱見隋書百官志

魏宇文泰廢其主欽而立齊王廓是為恭帝復姓拓

跋氏

跋氏

先是魏尚書元烈謀殺宇文泰事覺泰殺之魏主有

怨言密謀誅泰泰諸子皆幼以諸壻為心膂清河公

李基字仲和義成公李暉字文若常山公于翼字文若

分掌禁兵至魏主謀泄泰廢魏主置之雍州乃立其

弟齊王廓去年號稱元年復姓拓跋氏魏初統國三

十六大姓九十九後多滅絕泰乃以諸將功高者為三十六國次者為九十九姓所將士卒亦改從其姓

魏遣使如梁

魏侍中宇文仁恕聘于梁會齊使者亦至梁主接仁

恕不及齊使仁恕歸以告宇文泰梁主又請據舊圖

定疆境辭頗不遜泰由是有圖江陵之志梁主答聞

之益重其貢獻魏荊州刺史長孫儉世孫屢陳攻取

之策泰徵儉入朝問以經略復命還鎮密為之備馬

伯符本梁將梁使告梁主梁主弗之信

齊主殺其尚書左丞盧斐字子章李庶字子

齊中書令魏收字伯起撰魏書頗用愛憎為褒貶

每謂人曰何物小子敢與魏收作色舉之則使升天

按之則使入地既成中書舍人盧潛左丞盧斐李庶

皆言其誣罔不直收啓齊主云臣既結怨強宗將為

刺客所殺齊主怒于是斐庶皆坐謗史鞭二百配甲

坊潛亦坐繫獄斐庶死獄中然時人終不服謂之穢

者自言之其

歡尚自知遜
之龍字文泰
蕭行墨哉而
怪史家徒以
建官命秩制
周禮稱為崇
好古無識甚

史

夏四月魏宇文泰弑其故主欽

五月梁以王琳為廣州刺史

廣州刺史蕭勃自以非梁主所授內不自安啓求入

朝梁主徒勃為晉州梁子同安置置豫州後改曰晉州同安故城今安慶府桐城

縣刺史以琳部衆強威又得衆心故使代勃以遠之

琳私為主書廣漢李膺曰琳小人也蒙官拔擢至此

今天下未定遠琳嶺南如有不虞安得琳力竊據臣

意不過疑琳琳分望有限豈與官卑為帝乎何不

琳為雍州刺史鎮武寧琳自放兵作田為國禦捍膺

然共言而布敢啓

六月齊冀州刺史段韶伐梁拔宿預

先是梁侵齊陳霸先圍廣陵嚴超達圍涇州梁置今涇州天

長縣侯瑱張彪俱出石梁晉成後周置縣隋省杜僧

明將兵助東方白額至是齊冀州刺史段韶討白額

留兵圍之而自引兵倍道取涇州擊破超達迴趨廣

陵霸先解圍走僧明瑱彪等皆還韶至宿預使人說

欽定四庫全書
御批歷代通鑑輯覽
卷四十五

秋九月梁主講老子于龍光殿

冬十月魏遣柱國于謹帥師伐梁十一月入江陵十二

月執梁主繹殺之

魏遣柱國于謹中山公宇文護字薩保大將軍楊忠

將兵五萬伐梁長孫儉問曰為繹計將何如謹曰

城以待援軍中策也難于移動據守羅郭下策也儉

曰繹出何策謹曰下策儉曰何故謹曰繹懦而無謀

多疑少斷所以難于處始也武寧太守宗均告魏兵

且至領軍胡僧祐黃羅漢曰二國無隙必應不爾乃

復遣侍中王琛使魏去年琛于謹至樊鄧梁王譽帥衆

會之梁主乃停講戒嚴琛至石甌杜佑曰在涇州涇

府是湯馳報羅漢曰境上帖然前言皆兒戲耳梁主

乃復講百官戎服以聽徵王僧辯為大都督命陳

霸先從鎮揚州僧辯遣侯瑱帥程靈洗字元滌新為

前軍杜僧明帥吳明徹字通照為後軍陸法和聞魏

梁主使逆止之曰此自能破賊法和還十一月魏

軍濟漢于謹令宇文護楊忠帥精騎先據江津斷東

欽定四庫全書
御批歷代通鑑輯覽
卷四十五

孫請巡城
孫至坐困
孫以焚書
自噬文武
其狀即可

路梁主出城行柵揀木為之周六十里以將軍胡僧祐僕射王褒分督城東西軍事魏軍至柵下梁主乃徵王琳為湘州刺史使引兵入援于謹令築長圍中外遂絕梁主巡城猶口占為詩羣臣亦有和者

梁主又梁帛為書趨王僧辯曰吾忍死待公可以至矣胡僧祐等出戰皆敗朱買臣按劔進曰惟新宗懷黃羅漢可

以謝天下梁主曰曩實吾意宗黃何罪王琳軍至長沙長史聚政謂問道先報江陵至百里州為魏人所

獲梁王營為政曰我武皇帝之孫也不可為爾君手若從我計貴及子孫不熱腰領分矣政詭曰惟命營

鎖之至城下使言曰僧辯已自為帝王琳不復能來政乃言曰援兵大至各思自勉營怒命殺之恭軍蔡

欽定四庫全書 御批歷代通鑑輯覽 卷四十五

大業諫曰此民望也殺之則荆州不可下矣 魏人百乃釋之 裴政遂之孫蔡大業大寶之弟

道攻城胡僧祐親當矢石晝夜督戰獎勵將士明行賞罰眾咸致死所向摧殄魏不得前俄而僧祐中流

矢死内外大駭魏悉眾攻柵反者開西門納魏師梁主退保金城

子城 諸將皆散梁主乃焚古今圖書十四萬卷以寶劍擊柱折之嘆曰文武之道今夜盡矣

命御史中丞王孝祀作降文 謝答仁諫曰城中兵眾猶強乘間突圍而出賊

必驚因而薄之可凌江就任約梁主素不使走馬曰事必無成祇增辱耳答仁求自扶梁主王褒曰答仁

德報策似可施 然操之理勢斷 不能行蓋于謹 揚忠實魏宿將 豈肯無備受辱 就縛以襄陽一 隅之人又豈能 言此軍便

御批歷代通鑑輯覽 一二八

御批歷代通鑑輯覽 一二八

侯景之黨豈可信答仁又請守子城收兵梁主然之使王褒送之于謹以褒善書給之紙梁主遂白馬素

竿褒乃書曰柱國常山公家奴王褒梁主遂白馬素衣出門營使鐵騎擁之入營因於烏慢之下十二月

魏人殺梁主及太子元良等于謹收府庫珍寶及宋渾天儀梁銅晷表及諸法物盡俘王公以下及選百

姓男女數萬口為奴婢分賞三軍小弱者皆殺之

性殘忍魏師圍城獄中死囚且數千人有司請釋之以克戰士梁主不許悉令格殺之事未成而城陷性

好書晝夜不釋嘗曰我為于文士愧于武夫及城陷焚書或問何意梁主曰讀書萬卷倘有今日故焚之

欽定四庫全書 御批歷代通鑑輯覽 卷四十五

被害後答以布帛纏尸葬于津陽門外

魏取襄陽徙梁王營使稱帝于江陵屯兵守之

魏立答為皇帝取雍州之地而資以荆州延袤三百里又置防主將兵居西城名曰助防實以制答也

初魏師未還營將尹德毅說答曰江東之人塗炭至此咸謂殿下為之人盡憐也誰與為國今魏之精銳盡萃

于此若殿下為設享會預伏武士因而楚之分命諸將掩其營壘大破羣醜俾無遺類取江陵百姓撫而

安之文武羣僚隨材銓授魏人惴息未敢送死王僧辯之徒折簡可致然後朝服濟江入踐皇極辱刻之

間大功可立古人云天與不取反受其咎願陛下恢弘遠略勿懷匹夫之行答曰卿此策非不善也然魏

引遠略勿懷匹夫之行答曰卿此策非不善也然魏

引遠略勿懷匹夫之行答曰卿此策非不善也然魏

引遠略勿懷匹夫之行答曰卿此策非不善也然魏

引遠略勿懷匹夫之行答曰卿此策非不善也然魏

米用其官亦不
過自運糧敢耳

人待我厚若遽為此人不食吾餘至是閩城擊虜
又失襄陽乃恨不用德毅之言 尹德毅天水人正
子之

梁王僧辯陳霸先奉晉安王方智元帝少子承制

乙 梁敬帝方智紹泰元年魏恭帝二年齊天保
亥 六年後梁中宗宣帝蕭譽天定元凡四國 春正

月梁王始稱帝

梁王譽即位改元于江陵賞刑制度並同王者唯上

疏于魏則稱臣奉其正朔以蔡大寶為侍中尚書令

王操字子高太原晉陽人為五兵尚書大寶嚴整有智謀雅達

欽定四庫全書 御批歷代通鑑輯覽 卷四十五 十二

政事文辭贍速操亦亞之

梁廣州刺史王琳救江陵弗及次于長沙遣兵伐後梁

琳將兵北下至燕城後漢臨燕縣故城也隋省入陽衛陽今湖南衡州府治聞

江陵已陷為世祖發哀三軍縞素遣別將侯平帥舟

師攻後梁琳屯兵長沙傳檄州郡為進取之計長沙

王韶字德茂及上游諸將皆推琳為盟主

齊遣梁貞陽侯淵明還梁稱帝以兵納之

二月梁王方智立是為敬帝

晉安王方智自尋陽入建康即梁王位時年十三以王僧

辯為中書監錄尚書事驃騎大將軍都督中外軍事

加陳霸先征西大將軍僧辯居石頭霸先在京口僧辯推心待之子頭屢諫不聽

夏五月梁王僧辯奉淵明歸建康以梁王方智為太子

先是齊主遣殿中尚書邢子才詣建康與僧辯書令

迎淵明書曰嗣主冲範未堪負荷彼貞陽侯梁武猶子長沙之嗣以年以望堪保金陵故置為梁主卿宜僧辯不從已而淵明至東關見注散騎常侍

裴之橫字如兵之高弟禦之敗死僧辯大懼乃出屯如孰遣

欽定四庫全書 御批歷代通鑑輯覽 卷四十五 十三

使奏啓于淵明定君臣之禮因求以梁王為太子淵

明許之自采石濟江師還淵明入建康望朱雀門而

而哭道逆者以哭對入即位以方智為太子王僧辯

為大司馬陳霸先為侍中

六月齊人歸郢州于梁

魏師之圍江陵也齊主遣清河王岳救之至義陽江

陵已陷岳因進軍臨江梁郢州刺史陸法和以州降

長史王琨齊主遣儀同三司慕容儼字侍德清都成安人戍之

儼始入州王僧辯遣侯瑱攻之奄至城下儼隨方備
禦瑱等攻之不克城中食盡煮草木根葉及靴皮帶
角食之堅守半歲人無異志至是淵明立命瑱還豫
章齊人以地遠難守割以予梁凡梁民亦還之

秋八月齊以道士為沙門

齊主以佛道二教不同欲去其一集二家學者論難
于前遂敕道士皆剃髮為沙門有不從者殺四人乃
奉命

欽定四庫全書

御批歷代通鑑輯覽
卷四十五

十四

九月梁陳霸先殺王僧辯廢淵明冬十月復立方智稱
藩于齊

王僧辯之納淵明也陳霸先遣使爭之不從霸先數
曰武帝子孫甚多唯孝元是年四月建能復讐雪耻
諡廟號世祖

其子何罪而忽廢之吾與王公並處託孤之地而王
公一旦改圖外依戎狄援立非次其志欲何為乎乃
密謀襲建康會有告齊師至者僧辯遣人告霸先使
為備霸先部分將士使徐度侯安都等水陸俱進人

辯雖自當許
在霸先宛觀
聖已久繫救
舉非以為梁
欲去害已者
已

皆以為將禦齊師不之怪也至石頭安都先帥衆踰
城而入霸先軍入自南門僧辯方視事外白有兵俄
而兵自內出僧辯與子頴帥左右苦戰敗走就執霸
先曰我有何辜公欲與齊賜討而乃無備如此僧辯
曰委公北門何謂無備霸先殺之既而竟無齊兵淵
明遜位就邸十月方智即皇帝位告齊以僧辯陰圖
篡逆仍請稱藩于齊封淵明為建安公

梁陳霸先自為尚書令都督中外諸軍事

欽定四庫全書

御批歷代通鑑輯覽
卷四十五

十五

梁吳興太守杜龕叛梁遣陳蒨霸先兄道諱討之

杜龕素恃王僧辯之勢不禮于陳霸先龕僧辯之塔霸先

深怨之及僧辯死龕據吳興以拒霸先義興太守韋

載字德基以郡應之僧辯弟僧智為吳郡太守亦據

城拒守先是霸先將圖僧辯密遣兄子蒨還長城晉縣

五代吳越攻長立柵以備龕及是蒨至長城收兵繞

數百人龕遣其將杜泰攻之數旬不克而退霸先使

周文育攻義興不利白表東討至義興拔其水柵以

書諭韋載載降霸先還建康使周文育討杜龕裴忌

字無畏 吳興郡忌輕行夜至城下鼓譟薄之僧智奔

吳興忌入據郡明年僭克吳興獲龕殺之龕勇而無謀嗜酒常

醉其將杜泰陰與諸等通說龕使降龕然之其妻王氏曰龕陳如此豈復可和用出私時賞募後擊諸等

破之既而泰出降龕尚醉未覺遂見殺

梁譙今滁秦今六刺史徐嗣徽南豫州刺史任約襲建

康不克入于石頭以叛齊遣兵援之敗還嗣徽約奔齊

徐嗣徽從弟嗣先王僧辯之甥也僧辯死亡就嗣徽

嗣徽以州入于齊會陳霸先東討義興嗣徽密結任

約將兵乘虛襲建康據石頭游騎至闕下時侯安都

杜陵字雄或居守安都閉門示弱下令城中登陴窺

賊者斬及夕嗣徽等還安都夜為戰備將旦嗣徽等

又至安都出戰大破之嗣徽等奔還石頭霸先卷甲

還自義興引韋載與共謀議十一月齊遣兵渡江據

姑孰以應嗣徽又遣兵渡糧馬入石頭城霸先用韋

載計霸先問計于載載曰齊若分兵先據三吳之路

累地東境則時事去矣今可急于淮南築城以

通東道轉輸分兵絕彼糧路使進無所資則齊將之

首旬日可致霸先從之 淮南泰淮之南也秦淮源

出溧水縣西北流貫江寧府城使侯安都夜燒齊船

又西北入大江秦時所鑿故名

千餘艘周鐵斷齊運輸仍遣載于大船築壘使杜陵

守之齊人亦立柵與相拒使都督蕭軌北齊書蕭軌

傳將兵屯江北十二月霸先帥諸軍攻嗣徽柵齊將

柳達摩等渡淮置陳霸先疾戰燒柵齊兵大敗溺死

者以千數嗣徽與任約引齊兵頓浦口此秦淮之口非江北浦口

也霸先遣侯安都襲破之嗣徽等單舸脫走霸先攻

石頭城中無水達摩請和且求質子時建康虛弱糧

運不繼乃與齊和以霸先從子曇朗及永嘉王莊方

子等為質而與齊盟嗣徽約皆奔齊齊先亡馬伏船朱不可勝計齊

主乃誅 齊主殺其清河王岳

初齊平秦王高歸彥字英英高幼孤高祖令清河王

岳養之情禮甚薄歸彥心銜之岳屢將兵立功有威

名而性豪侈好酒色起第城南歸彥譖之言其僭擬

欽定四庫全書 御批歷代通鑑輯覽 卷四十五

欽定四庫全書 御批歷代通鑑輯覽 卷四十五

齊主惡之齊主納倡婦薛氏有寵既而知其嘗與岳

通益怒使歸房鳩岳殺之久之齊主無故斬薛氏藏首于懷出東山宴飲勸酬

始合忽出其首投于梓上一座大驚復命收取對之流涕載尸以出被髮步哭而隨之

魏降其宗室王者為公

突厥滅柔然可汗鄒叔子奔魏突厥取而殺之

突厥滅木杆可汗擊柔然滅之柔然主鄒叔子收其餘

燼奔魏時木杆西破噉噉注見前東走契丹北并契丹

胡三省注即唐之結骨唐書威服塞外其地東自遼燕魯斯古堅昆國或曰結骨

欽定四庫全書御批歷代通鑑輯覽卷四十五

海西至西海即青長萬里南自漠北五六千里皆屬

焉木杆恃其疆請盡誅鄒叔子等于魏宇文泰收叔

子以下三千餘人付其使者盡殺之于青門外長安東門

霸城門民見門色青因曰青門即漢名平種水處

丙梁太平元平魏恭帝三年齊天保七年綱目以後子梁為北朝附庸歲首不書年號唯祠位改元乃書今

依春正月魏初建六官以宇文泰為大冢宰

初宇文泰以漢魏官繁令蘇綽及尚書令盧辯字景先同

兄依周禮定六官至是行之以泰為太師大冢宰李

弼為太傅太司徒趙貴為大保大宗伯獨孤信為大

司馬于謹為大司冠侯莫陳崇為大司空自餘百官

皆倣周禮

梁遣兵擊侯瑱于湓城

江州刺史侯瑱本事王僧辯擁兵據豫章及江州不

附陳霸先使周文育將兵擊湓城又遣侯安都帥同

周鐵虎立柵于梁山以備之已而瑱為王琳將侯平所敗霸先使記室蔡景

歷說瑱令降瑱乃詣瑒歸罪瑒先以為司空蔡景歷字茂世濟陽考城人

欽定四庫全書御批歷代通鑑輯覽卷四十五

三月齊儀同三司蕭軌侵梁次于蕪湖

齊遣蕭軌等與任約徐嗣徽合兵十萬侵梁出柵口

柵江之口向梁山即元門山注亦見前陳霸先帳內盪主主勇士以

突盪敵黃叢逆擊破之齊師退保蕪湖

夏五月梁建安公淵明卒六月陳霸先及齊師戰敗之

殺蕭軌及徐嗣徽

齊人召建安公淵明詐許退師陳霸先具舟送之會

其病卒齊兵遂至秣陵陳霸先令周文育與徐度杜

校禦之齊人跨淮立橋柵度兵自方山注見前進及兗

塘在上元縣東南建康震駭霸先拒嗣徽等于白城即白下城注見

前通與文育會將戰風急霸先曰兵不逆風文育曰

事急矣何用古法抽禦上馬先進衆軍從之風亦尋

轉安都帥十二騎突嗣徽陳破之六月齊兵至幕府

山在江寧府西北與地紀勝晉元帝渡江王導建幕府其上因名霸先遣別將擊其

糧運盡獲之齊兵殺馬驢以食轉至元武湖注見西

北連日大雨平地水丈餘晝夜坐立泥中懸鬲以饗

欽定四庫全書

御批歷代通鑑輯覽

卷四十五

而臺中及湖溝在上元縣西吳時鑿引酒以抵秦淮故名北路燥梁軍每

得番易然四方糧運不至士卒皆饑疲會陳舊儲米

三千斛鴨千頭霸先命炊米煮鴨裹以荷葉未明蓐

食出幕府山與吳明徽等首尾齊舉縱兵大戰侯安

都自白下引兵橫出其後齊師大潰死者不可勝計

擒徐嗣徽斬以狗追奔至于臨沂晉僑置屬南琅邪郡故城在今句容

諸軍相次克捷虜蕭軌等斬之齊軍士縛獲後以

濟溺死甚衆唯任約王僧愔得免梁軍士以賞俘質酒一人裁得一醉

齊人聞蕭軌等被殺亦殺陳曇朗

梁王琳遣使奉表于魏于齊

侯平頻破後梁軍以王琳兵威不振不受指麾琳遣

將討之平收其衆奔江州侯瑱與結為兄弟琳軍勢

益衰遣使奉表于齊江陵之陷琳妻子没于魏琳又

獻款于魏以求之亦稱臣于梁

齊大治宮室

齊發丁匠三十餘萬脩廣三臺宮殿

齊主之初立也留心政術內外

欽定四庫全書

御批歷代通鑑輯覽

卷四十五

肅然軍國機策獨決懷抱每臨行陣親當矢石所向

有功數年之後新以功業自矜遂嗜酒淫佚肆行任

暴袒露形體街坐巷宿高氏婦女不問親疎往往亂

之或于賜左右不從者手刃之作為戲樂揚情乃簡死

屬陳之于庭每醉輒手殺人以為戲樂揚情乃簡死

因置仗內謂之供御因齊主欲殺人輒執以應命三

月不報則宥之問府泰軍裴謂之上書極陳齊主謂

楊惜曰此愚人之言何敢如是對曰彼欲陛下殺之以成

臣曰黑鑽不受我命奈何都督劉桃枝曰臣得三千

御批歷代通鑑輯覽 一二九三

所諫皆斬之由此內外懾懾各懷怨毒而能委政楊
愔總攝機衡百度脩教是以主昏于上政清于下

秋七月梁陳霸先自為司徒揚州刺史進爵長城公

九月梁陳霸先自為丞相錄尚書事

魏及突厥襲吐谷渾敗之

突厥木杆可汗假道于涼州以襲吐谷渾魏宇文泰

使涼州刺史史寧字永和建康袁氏人帥騎隨之吐谷渾奔南

山木杆將追之寧曰樹敦吐谷渾所都故城在今西寧府邊外曼頭山北賀

真與樹敦相近二城吐谷渾之巢穴也拔其本根餘衆自

欽定四庫全書御批歷代通鑑輯覽 卷四十五

敗木杆從之與寧分道破二城復與會于青海注見前

歎寧勇決贈遺甚厚明年吐谷渾寇涼鄯河三州秦州都督遣渭州刺史于翼赴援

翼曰攻取非夷狄所長寇來不遇抄掠耳掠無所獲勢將自走數日間至果如其言

冬十月魏太師大冢宰安定公宇文泰卒書法與高歡同例說見前

世子覺泰第三子後代嗣

泰北巡度河還至牽屯山即難頭山注見前而病驛召中山

公護至涇州謂曰吾諸子皆幼外寇方彊天下之事

屬之于汝宜努力以成吾志遂卒泰能駕馭共豪得其力用性好質素

本末國專政魏主位若贅撤年天壽其年正可因之反正于證身為大臣不問一語巨擘魏室頭懸鰓為為殺定策決謀不踰年而宇文氏迭得肆其暴逆秦國賊而醜禍胎誰之罪莫與實國共

不尚虛飾明遠政事崇儒好古凡所施
設皆倣三代而為之及卒諡曰文公
時年十五為太師柱國大冢宰安定公出鎮同州護名位素早及
是輔政舉公莫服護問計于大司寇于謹謹曰今日
之事謹必以死爭之若對衆定策公必不得讓矣明
日會議謹曰昔帝室傾危非安定公無復今日一旦
連世嗣子雖幼中山公親其兄子兼受顧託軍國之
事理須歸之辭色抗厲衆皆悚動謹與泰等共護
常拜之至是謹起再拜舉公亦拜于是衆議始定
同州西魏置今為府屬陝西胡三省曰宇文泰輔
政常居此以其地扼關河齊人侵軼所必由也

齊併省州縣

齊主詔以魏末豪傑糾合鄉部因緣請託各立州郡

欽定四庫全書御批歷代通鑑輯覽 卷四十五

公私煩費丁口減于疇日守令倍于昔時于是併省

三州一百五十三郡五百八十九縣三鎮三十六成

十二月魏宇文覺自為周公

齊築長城

先是齊自黃墟嶺在今汾州府永寧州西北起長城北至社平成

在今朔平府左事在天保三年而

雲縣廢武州境四百餘里置三十六成保三年而

發民一百八十萬自幽州夏口胡三省注夏當作下即居庸下口也居庸

注見前西至恒州注見前築長城九百餘里在天保六年至是